

Na osnovu člana 9. Zakona o federalnim ministarstvima i drugim tijelima federalne uprave ("Službene novine Federacije BiH", br. 19/03, 38/05, 2/06 i 8/06), odredaba Odluke o usvajanju Programa utroška sredstava utvrđenih u razdjelu 17. Budžeta Federacije Bosne i Hercegovine za 2021. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima-za uvezivanje radnog staža“, („Službene novine Federacije BiH", broj 37/21), Federalno ministarstvo energije, rudarstva i industrije o b j a v l j u j e

**PONOVLJENI JAVNI POZIV  
ZA KANDIDOVANJE PROGRAMA UTROŠKA SREDSTAVA UTVRĐENIH U  
RAZDJELU 17. BUDŽETA FEDERACIJE BOSNE I HERCEGOVINE ZA 2021.  
GODINU FEDERALNOM MINISTARSTVU ENERGIJE, RUDARSTVA I  
INDUSTRIJE „TEKUĆI TRANSFERI I DRUGI TEKUĆI RASHODI – SUBVENCije  
JAVNIM PREDUZEĆIMA -ZA UVEZIVANJE RADNOG STAŽA“**

**I. PREDMET PONOVLJENOG JAVNOG POZIVA**

Predmet Ponovljenog javnog poziva je prikupljanje zahtjeva za odabir korisnika preostalog dijela sredstava, u skladu sa Programom utroška dijela sredstava utvrđenih u razdjelu 17. Budžeta Federacije Bosne i Hercegovine za 2021. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima-za uvezivanje radnog staža“ (u daljem tekstu: Program), („Službene novine Federacije BiH", broj 37/21).

**II. PRAVO UČEŠĆA**

Pravo učešća na Ponovljeni javni poziv imaju sva javna preduzeća, koja su osnovana po Zakonu o privrednim društvima („Službene novine Federacije BiH", broj 81/15), sa sjedištem u Federaciji Bosne i Hercegovine i čija je primarna/osnovna djelatnost proizvodnja u sljedećim granama industrije:

- Metalna, elektro i automobilska industrija,
- Industrija građevinskog materijala,
- Drvena, papirna i grafička industrija,
- Proizvodnja tekstila, kože i obuće,
- Hemijska industrija i industrija gume i plastike,
- Namjenska industrija i
- Prehrambena industrija.

Javna preduzeća na koja se odnosi ovaj Javni poziv, su preduzeća u kojim Federacija Bosne i Hercegovine ili kantoni imaju udio u vlasništvu najmanje 50% plus jedna dionica.

**III. SVRHA DODJELE SREDSTAVA**

Dodjela sredstava odnosi se na finansiranje neizmirenih obaveza preduzeća za izmirenje dugovanja za neplaćene doprinose samo po osnovu obaveza za PIO/MIO,

zaposlenicima koji su stekli uslove za odlazak u penziju ili će ih steći do dana podnošenja zahtjeva za dodjelu istih.

Dodjeljena sredstva su grant sredstva. Sredstva se dodjeljuju u cilju rješavanja socijalnog statusa zaposlenika, kroz penzionisanje.

#### IV. KRITERIJI ZA IZBOR KORISNIKA

Korisnici grant sredstava po Ponovljenom javnom pozivu ne mogu biti preduzeća kojima su sredstva dodijeljena po prvom Javnom pozivu za kandidovanje Programa utroška dijela sredstava utvrđenih u razdjelu 17. Budžeta Federacije Bosne i Hercegovine za 2021. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima -za uvezivanje radnog staža“, kao i preduzeća koja su bila korisnici grant sredstava dodijeljenih od strane Ministarstva u budžetskoj 2020. godini za iste namjene, a koja ista nisu opravdala, odnosno, ukoliko nenamjenski utvrđena sredstva nisu vraćena na Jedinstveni račun Trezora Federacije Bosne i Hercegovine.

Korisnici grant sredstava po Ponovljenom javnom pozivu mogu biti preduzeća koja ispunjavaju sljedeće osnovne kriterije:

- 1) da su sa sjedištem u Federaciji Bosne i Hercegovine;
- 2) da se bave djelatnostima definisanim u tački II. Javnog poziva;
- 3) da su u većinskom državnom vlasništvu (u vlasništvu Federacije Bosne i Hercegovine ili kantona najmanje 50% plus jedna dionica);
- 4) da zapošljavaju najmanje 5 zaposlenika (ne odnosi se na preduzeća u stečaju).

Napomena: Pravo učešća po ovom Ponovljenom javnom pozivu imaju i preduzeća u poteškoćama ili u stečaju, izuzev preduzeća koja su likvidirana.

Zahtjevi koji ispunjavaju osnovne, naprijed navedene kriterije, ocjenjuju se po obrazcu 1.

Obrazac 1.

KRITERIJI	Mogući broj bodova	Ostvareni broj bodova
<b>Broj zaposlenih u preduzeću</b>		
Broj zaposlenih u preduzeću od 5 do 40	2	
Broj zaposlenih u preduzeću od 41 do 80	4	
Broj zaposlenih u preduzeću od 81 do 100	8	
Broj zaposlenih u preduzeću > 100	10	
<b>Status preduzeća</b>		
Preduzeće u stečaju	6	
Preduzeće nije u stečaju	2	
<b>Broj radnika koji će se penzionisati</b>		
Broj penzionisanih <10	5	

Broj penzionisanih od 10 do 15	7	
Broj penzionisanih od 16 do 30	9	
Broj penzionisanih od 31 do 50	12	
Broj penzionisanih od 51 do 100	15	
Broj penzionisanih > 100	20	
UKUPNO OSTVARENO BODOVA		

Prilikom formiranja liste sa imenima zaposlenika iz istog preduzeća, a koji ostvaruju pravo po ovom Ponovljenom javnom pozivu, prednost će imati zaposlenik sa ranijim datumom sticanja prava na penziju.

## V. SREDSTVA PREDVIĐENA ZA DODJELU

Sredstva za provođenje Programa utvrđena su Budžetom Federacije Bosne i Hercegovine za 2021. godinu, u razdjelu 17, ekonomski kod 6144, „Tekući transferi i drugi tekući rashodi - Subvencije javnim preduzećima - za uvezivanje radnog staža“ u iznosu od 7.000.000,00 KM. Odlukom Vlade Federacije o izboru korisnika sredstava utvrđenih u razdjelu 17. Budžeta Federacije Bosne i Hercegovine za 2021 godinu Federalnom ministarstvu energije, rudarstva i industrije „Tekući transferi i drugi tekući rashodi-Subvencije javnim preduzećima za uvezivanje radnog staža“, po prvom Javnom pozivu, raspoređen je iznos od 977.287,25 KM („Službene novine Federacije BiH“, broj 97/21), tako da je ostalo neraspoređeno 6.022.712,75 KM.

Navedena preostala sredstva su grant sredstva Federalnog ministarstva energije rudarstva i industrije ( u daljem tekstu: Ministarstvo) i dodjeljivati će se po ovom Ponovljenom javnom pozivu.

Preduzeća po ovome Ponovljenom javnom pozivu mogu ostvariti pravo na dodjelu sredstava samo po jednom podnesenom zahtjevu.

## VI. TRAJANJE PROGRAMA I PONOVLJENOG JAVNOG POZIVA

Program traje do utroška sredstava, a najkasnije do kraja fiskalne godine (odnosno do 31.12.2021. godine).

Ponovljeni Javni poziv će biti otvoren do 21.12.2021. godine, odnosno zahtjevi po Ponovljenom Javnom pozivu za dodjelu sredstava se mogu slati zaključno sa 21.12.2021. godine.

## VII. PROVOĐENJE PONOVLJENOG JAVNOG POZIVA

Dokumentacija uz zahtjev na Ponovljeni javni poziv, potencijalni korisnici grant preostalih sredstava trebaju dostaviti zajedno sa sljedećom dokumentacijom:

1. Zahtjev za dodjelu grant sredstava (na web stranici Ministarstva [www.fmeri.gov.ba](http://www.fmeri.gov.ba) ),
2. Spisak zaposlenika koji sadrži i lični i matični broj osiguranika koji su ostvarili uslove za odlazak u penziju do dana podnošenja zahtjeva za dodjelu sredstava. Navedeni spisak mora biti usaglašen sa podacima iz nadležnog Federalnog

zavoda PIO/MIO (za period do 31.12.2010. godine) ili nadležne Porezne uprave Federacije Bosne i Hercegovine (za period od 01.01.2011. godine), sa datumom sticanja tog prava i iznosom duga samo na osnovu PIO/MIO, ovjeren i potpisan od strane nadležnog lica preduzeća i nadležnog Federalnog zavoda PIO/MIO /Porezne uprave,

3. Aktuelni izvod iz sudskog registra (original ne stariji od 30 dana),
4. Statut ili odluka/akt o osnivanju ( ne mora biti ovjereno),
5. Uvjerenje o poreznoj registraciji kod Porezne uprave – ID broj,
6. Uvjerenje o registraciji obveznika poreza na dodanu vrijednost – PDV broj,
7. Obavijest nadležnog zavoda za statistiku o razvrstavanju prema glavnoj (osnovnoj) djelatnosti,
8. Lična karta i CIPS potvrda o prebivalištu lica ovlaštenog za zastupanje,
9. Izjavu, ovjerenu i potpisanu od strane odgovornog lica preduzeća, koja se može preuzeti na web stranici Ministarstva ([www.fmeri.gov.ba](http://www.fmeri.gov.ba)) i kojom se odgovorno lice/preduzeće obavezuje da će po odobrenju grant sredstava izvršiti uplatu sredstava po osnovu duga za ostale doprinose i to za zaposlenike za koje se traže grant sredstva,
10. Spisak zaposlenika iz matične evidencije aktivnih osiguranika, izdat od strane nadležne Porezne uprave ne stariji od 30 dana od dana podnošenja zahtjeva (min. 5 zaposlenika),osim za preduzeća u stečaju.

Svi traženi dokumenti trebaju biti originali ili ovjerene kopije ne starije od 30 dana od dana podnošenja zahtjeva za dodjelu grant sredstava osim dokumenata za koje je izričito navedeno u kojoj formi se dostavljaju.

## VIII. PRIPREMA

Zahtjev za dodjelu sredstava sa potrebnom dokumentacijom po Ponovljenom javnom pozivu, poredan po tačkama Ponovljenog javnog poziva od 1.-10., podnosi se Ministarstvu, potpisan od strane ovlaštenog lica sa naznakom iz koje se industrijske grane traže sredstva (Metalna, elektro i automobilska industrija; Industrija građevinskog materijala; Drvna, papirna i grafička industrija; Proizvodnja tekstila, kože i obuće; Hemijska industrija i industrije gume i plastike; Namjenska industrija; Prehrambena industrija).

Sva potrebna i tražena dokumentacija iz tačke VII. Ponovljenog javnog poziva, dostavlja se preporučeno poštom ili lično u zapečaćenoj, neprovidnoj koverti na adresu: *Federalno ministarstvo energije, rudarstva i industrije Mostar, Alekse Šantića b.b. 88 000 Mostar s naznakom: Ne otvarati – po Ponovljenom javnom pozivu za kandidovanje Programa utroška sredstava utvrđenih u razdjelu 17. Budžeta Federacije Bosne i Hercegovine za 2021. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima - za uvezivanje radnog staža“.*

Na poleđini koverta obavezno navesti naziv podnosioca zahtjeva, adresu i kontakt telefon i ovjeriti pečatom.

Podnosilac zahtjeva može izmijeniti ili povući svoj zahtjev, a Federalno ministarstvo energije, rudarstva i industrije mora o tome biti obavješteno u pisanoj formi. Izmjena ili povlačenje zahtjeva mora biti izvršena u skladu sa ovim poglavljem. Osim toga, na koverti u kojoj se nalazi obavještenje o izmjeni ili povlačenju zahtjeva treba pisati „IZMJENA ZAHTJEVA“ ili „POVLAČENJE ZAHTJEVA“.

Povrat dokumentacije se vrši isključivo na pismeni zahtjev podnosioca.

Odluka o izboru korisnika grant sredstava se objavljuje u „Službenim novinama Federacije BiH“ i na službenoj web stranici Ministarstva.

Ovaj Ponovljeni javni poziv ostaje otvoren do 21.12.2021. godine. Ovaj Ponovljeni javni poziv će se objaviti i u dnevnim novinama “Dnevni avaz” i “Večernji list”, kao i u „Službenim novinama Federacije BiH“.

Neblagovremene prijave neće biti uzete u razmatranje.

Detalji vezani za podnošenje zahtjeva, osim u Ponovljenom javnom pozivu, mogu se vidjeti i u Programu, objavljenom u „Službenim novinama Federacije BiH“, broj 37/21, kao i na službenoj web stranici Federalnog ministarstva energije, rudarstva i industrije:  
[www.fmeri.gov.ba](http://www.fmeri.gov.ba)